

TARIKH	RABU, 12 JUN 2024
AKHBAR	BERITA HARIAN
TAJUK ARTIKEL	KETUA JABATAN MESTI SIASAT ADUAN KAKITANGAN RASUAH
M/S	1 & 5
BIDANG	CIVIL SERVICE
KATA KUNCI	CORUPPTION, HEAD OF DEPARTMENT

Ketua jabatan mesti siasat aduan kakitangan rasuah

“Seseorang pegawai yang gagal jalankan tugas hendaklah disifatkan cuai dan tidak bertanggungjawab yang boleh dikenakan tindakan tatatertib”

Tan Sri Mohd Zuki Ali,
Ketua Setiausaha Negara



“Bagi kes pelanggaran tata kelakuan, hendaklah segera laporkan kepada Pihak Berkuasa Tatatertib, manakala kes rasuah atau salah guna kuasa kepada SPRM atau Suruhanjaya Integriti Agensi Penguatkuasaan”

Datuk Seri Wan Ahmad Dahlan Abdul Aziz,
Ketua Pengarah Perkhidmatan Awam

Nasional 5

EUP2024

RH Rabu, 12 Jun 2024

Nasional

Pegawai awam gagal selia kakitangan kena tindakan

Ketua jabatan gagal pantau tatatertib pekerja seliaan disifatkan cuai laksana tugas

Oleh Zanariah Abd Mutalib
zanariah_mutalib@bh.com.my

Kuala Lumpur: Semua pegawai awam termasuk ketua jabatan, perlu melakukan kawalan dan pengawasan tatatertib terhadap kakitangan seliaannya serta mengambil tindakan bersesuaian dengan seberapa segera bagi sebarang pelanggaran mana-mana peruntukan.

Ketua Setiausaha Negara, Tan Sri Mohd Zuki Ali, berkata mana-mana pegawai yang gagal menjalankan tugas berkenaan, hendaklah disifatkan cuai dalam melaksanakan tugasnya dan tidak bertanggungjawab, yang boleh dikenakan tindakan tatatertib.

“Dalam hal ini, kaedah kawalan dan pemantauan sudah pun ada dan dilaksanakan.

“Penambahbaikan dalam Peraturan-Peraturan Pegawai Awam (Kelakuan dan Tatatertib) 1993 sentiasa dilaksanakan secara holistik oleh Jabatan Perkhidmatan

Awam (JPA),” katanya.

Mohd Zuki berkata, berdasarkan Peraturan 3c Peraturan-Peraturan Pegawai Awam (Kelakuan dan Tatatertib) 1993, mana-mana pegawai, termasuk ketua jabatan yang didapati bersalah dan terbukti cuai dalam melaksanakan tugas dan tanggungjawab untuk mengambil tindakan terhadap pegawai bawahan, boleh dikenakan hukuman tatatertib.

Katanya, kesan hukuman berkenaan akan menyebabkan pegawai terbabit tidak layak untuk dipertimbangkan bagi tujuan pemangkuhan atau kenaikan pangkat, yang boleh mencapai tempoh 48 bulan, mengikut hukuman dikenakan.

Kelmarin, ketika berucap pada majlis perjumpaan bersama warga Jabatan Perdana Menteri (JPM) bagi Jun, Perdana Menteri mengesyorkan tiada kenaikan pangkat bagi ketua jabatan jika wujud salah laku dan amalan rasuah penjawat awam di bawahnya sehingga tidak dilaporkan.

Perdana Menteri berkata, agak mustahil bagi ketua jabatan atau ketua unit ‘tidak tahu’ atau menutup mata mengenai wujudnya kecurangan dalam pentadbiran masing-masing.

Siasat jika ada aduan

Sementara itu, Ketua Pengarah Perkhidmatan Awam (KPPA), Datuk Seri Wan Ahmad Dahlan Ab-

dul Aziz, berkata berdasarkan Pekeliling Perkhidmatan Sumber Manusia (MyPPSM) Ceraian UP3.1.6: Dasar Kenaikan Pangkat Bagi Pegawai Yang Sedang Disiasat Dan Telah Dikenakan Hukuman Tatatertib, tempoh hilang kelayakan akan dilaksanakan berdasarkan hukuman yang dikenakan terhadap pegawai yang terbukti bersalah, iaitu 12 bulan bagi hukuman amaran, denda (18 bulan), lucut hak emolumen (24 bulan), tangguh pergerakan gaji (30 bulan), turun gaji (36 bulan) dan turun pangkat (48 bulan).

Justeru, Wan Ahmad Dahlan menegaskan, semua ketua jabatan yang bertanggungjawab mesti memulakan siasatan jika wujud sebarang aduan yang berasas mengenai salah laku pegawai seliaannya.

“Kita perlu mengambil langkah proaktif menangani kebobrokan dalam perkhidmatan awam seperti amalan rasuah dan salah laku ini dengan memperkukuh elemen pemantauan dan penguatkuasaan peraturan sedia ada.

“Jika terdapat bukti yang boleh dikaitkan dengan sebarang pe-

langgaran tata kelakuan, kes berkenaan hendaklah seberapa segera dilaporkan kepada Pihak Berkuasa Tatatertib yang berkenaan untuk memulakan tindakan tatatertib terhadap pegawai yang terbabit,” katanya.

Beliau berkata, bagi kes yang dikenal pasti membabitkan rasuah atau salah guna kuasa yang memerlukan siasatan lanjut pihak berkuasa seperti Suruhanjaya Pencegahan Rasuah Malaysia (SPRM) atau Suruhanjaya Integriti Agensi Penguatkuasaan (EAIC), ketua jabatan atau pegawai bertanggungjawab perlu segera melaporkan kepada pihak berkuasa berkenaan, tertakluk kepada mana-mana akta atau peraturan yang sedang berkuat kuasa.

DISEDIAKAN
OLEH

PN NOR SURIANI BINTI MOHD ZIN (S44), BPM